

Organismo: Dirección Xeral de Formación Profesional.

Capítulo:	
Epígrafe:	

SUMARIO:

ANTEPROXECTO DE DECRETO _____, do ____ de _____, polo que se transforman institutos de educación secundaria en centros integrados de formación profesional

TEXTO:

O Estatuto de autonomía de Galicia, no seu artigo 31, establece que é competencia plena da Comunidade Autónoma de Galicia a regulación e administración da ensinanza en toda a súa extensión, niveis, graos, modalidades e especialidades, competencia que o Decreto 198/2020, do 20 de novembro, lle atribúe á Consellería de Cultura, Educación e Universidade.

A Lei orgánica 3/2022, do 31 de marzo, de ordenación e integración da Formación Profesional, no seu artigo 79, punto 6, establece que se impulsará a especialización dos centros de formación profesional, a creación de centros integrados e a xeración de redes de especialización intelixente entre eles.

O Real decreto 1558/2005, do 23 de decembro, polo que se regulan os requisitos básicos que deben reunir os centros integrados de formación profesional, concibe estes centros como un instrumento para asegurar unha nova oferta integrada que capacite para o desempeño cualificado das distintas profesións e sirva de recurso formativo permanente á poboación adulta para mellorar as súas condicións de empregabilidade.

O Decreto 266/2007, do 28 de decembro, que regula os centros integrados de formación profesional na Comunidade Autónoma de Galicia, establece como accións formativas que se inclúen nestes centros as ensinanzas propias da formación profesional inicial, as accións de inserción e reinserción laboral das persoas traballadoras e as dirixidas á formación permanente da poboación traballadora ocupada. En canto á forma de creación dos CIFP, o dito decreto sinala no seu artigo 3 que poderán ser de nova creación ou proceder da transformación de centros xa existentes.

A Estratexia de FP Galicia 2030 aprobada no Consello da Xunta do día 10 de febreiro de 2022, ten como un dos seus eixes promover o papel dos centros integrados de excelencia como referencia para cada familia profesional – sector produtivo, mediante iniciativas como a ampliación da Rede de Centros Integrados de Formación Profesional e a especialización dos CIFP como centros de Excelencia nas diferentes familias profesionais, referentes para o tecido produtivo de Galicia.

O Plan Conecta FP Galicia de colaboración público-privada para o establecemento de ofertas de formación profesional á medida do tecido produtivo galego 2023-2025, sinala aos centros que constitúen a rede de Centros Integrados de Formación Profesional de Galicia, como referentes da Formación Profesional galega, reservándolles un papel destacado na organización e desenvolvemento das actuacións previstas.

No curso 2022/23, o IES de Vilamarín (32016285) imparte ciclos formativos das familias profesionais de Agraria, Hostalaría e Turismo e Industrias Alimentarias. O IES Montecelo (36006419) imparte ciclos formativos das familias profesionais de Agraria, Artes Gráficas, Imaxe Persoal, Sanidade e Transporte e mantemento de Vehículos. O IES Audiovisual de Vigo (36024461) imparte ciclos formativos da familia profesional de Imaxe e Son.

A totalidade da actividade formativa impartida nestes centros docentes corresponde, polo tanto, a ensinanza de formación profesional.

A transformación do IES de Vilamarín, do IES Montecelo e do IES Audiovisual de Vigo en centros integrados de formación profesional permite adaptar o seu sistema organizativo á súa configuración actual, superando as estruturas propias do ensino secundario e sentando as bases para o seu recoñecemento como centros de referencia en ensinanza de formación profesional.

Ademais, esta transformación permite reforzar as ensanzas regradas de formación profesional que se ofertan nos centros e, ao tempo, a posibilidade de ampliar e diversificar a súa oferta formativa a través da incorporación de novos ciclos, de novas modalidades de impartición, da formación a persoas desempregadas e o establecemento de sistemas de acreditación de competencias profesionais, contribuíndo de forma clave a fomentar a actividade emprendedora dentro dos niveis non universitarios do sistema educativo galego, así como á inserción e orientación laboral para o progreso nos distintos itinerarios formativos e profesionais.

Os centros resultantes da transformación inclúense na Rede de Centros Integrados de Formación Profesional de Galicia, canle fundamental na consecución de solucións formativas aos principais sectores da economía e base para a formación profesional de calidade na nosa comunidade autónoma.

O artigo 1.3 do Regulamento orgánico dos institutos de educación secundaria, aprobado polo Decreto 324/1996, do 26 de xullo, establece que a creación e a supresión destes centros docentes realízase mediante decreto aprobado polo Consello da Xunta de Galicia.

Os centros integrados de formación profesional da Comunidade Autónoma de Galicia, segundo o establecido polo Decreto 266/2007, do 28 de decembro, serán ademais autorizados pola consellería competente en materia de educación e a consellería competente en materia de traballo, logo de ditame do Consello Galego de Formación Profesional.

Na súa virtude, por proposta do conselleiro de Cultura, Educación, Formación Profesional e

Universidades, logo de deliberación do Consello da Xunta na súa reunión do día oito de xuño de dous mil vinte e tres,

DISPOÑO:

Artigo 1. Transformación de institutos de educación secundaria en centros integrados de formación profesional

Transfórmanse en centros integrados de formación profesional, incorporándose á Rede de Centros Integrados de Formación Profesional de Galicia, os seguintes centros:

- Instituto de Educación Secundaria de Vilamarín (32016285).
- Instituto de Educación Secundaria Montecelo (36006419).
- Instituto de Educación Secundaria Audiovisual de Vigo (36024461).

Disposición derradeira primeira. Desenvolvemento normativo

Facúltase a persoa titular da consellería para ditar, no ámbito das súas competencias, as disposicións necesarias para executar e desenvolver este decreto.

Disposición derradeira segunda. Entrada en vigor

Este decreto entrará en vigor o día seguinte ao da súa publicación no Diario Oficial de Galicia.

Santiago de Compostela, ____ de ____ do dous mil vinte e tres

Alfonso Rueda Valenzuela
Presidente

Román Rodríguez González
Conselleiro de Cultura, Educación e Universidade

INSÍRASE NO DOG